


www.BibleForChildren.org



JUAN 14



'Yab ki k'wajaytsik ta chalpax. Ka bela' na Dios ani ti kin bela' neye. Ba nin k'imá' nu Táta', yán t'ajat wa'ach xon ti ki k'wajaytsik; max yabak anchan', tu utsámalichaktsik. Jaxtám, ne'ech kin okxin abal tu t'ojojontsi xon ti ne'ech ki k'wajaytsik.



Ani tam in k'alnekich ku t'ojoy xon ti ne'ech ki
k'wajaytsik, ne'ech kin witsiy tu ik'i'tsik ani tu
júna'tsik k'al Naná' abal ki k'wajaytsik teye xon ti
Naná' ne'ech kin k'wajay.



Naná', xu bij Juan, tu at kidhábitsik neye ani exom
u wat'nál an yajtsiktaláb jelti tatá'tsik. In
tak'nélich neye k'al na Dios ani exom u


wat'nál xowa'kichk'i k'al tin
kwenta na Jesukristo.




In k'wajat tin
wik'nél ban
chakam chabál xin
bij Patmos xi
k'wajat ban ja'.



In k'wajat tin wik'nél abal u t'ilál an alwa' t'ilab
ani abal u t'ilál jeye xowa' in t'ajámal
na Jesukristo.



Támk'i jachan', tam tin k'wajat teykónte k'al in cháp
an T'okat Ejattaláb, u chu'u jun i t'okat k'wajtaláb xi
k'wajbadh walk'i' ani ban t'okat k'wajtaláb ta' ti
buxúl jun xita'.




U ach'a' jeye ejtal xowa' t'ajadh k'al na Dios, xi
k'wajat walk'i', xi k'wajat chabál, xi k'wajat alk'idh
ban chabál, xi k'wajat ban pujal ani
ejtal xowa' xi wa'achtsik taja' in
ulaltsik enché': Kin bach'u an
k'ak'naxtaláb, kin kó'oy an labidh
t'okattaláb ani an awitaláb malilí
i k'ij, xi buxúl
ban t'okat
k'wajtaláb ani
an Ajátikláb
xi ja'ich jelti
an borrego xu
pikbantsáb
na Dios.




Naná', xu bij Juan, u chu'u an t'okat bitsow ti pa'íl
walk'i' t'ojojodh t'ajat, jelti jun i tsidhan xi k'wajat
t'ojojodh abal ne'ech ti tomkinal. Jeché' an bitsow,
ja'ich an ít Jerusalén xi abnadh k'al na Dios.

Ani u ach'a' jun i kawidh káwintaláb xi tál walk'i' xin
ulu enché':


—Ka tela', na
Dios k'wajatich
xo' k'al an
iniktsik. An
iniktsik ne'ech
ka k'wajay tin
bitsówil na Dios ani
Jajá', ne'ech ka
k'wajay tin Diosil.



An t'okat abatwále tin óltsi tám jun i alabél walja'
ani an ja' xi wa'ach taja', ja'ich xin pidhnál i
xe'chintaláb xi yab in ko'ol in ok'ontal. Jeché' an ja',
tajujúl jelti lam ani u kalel bin t'okat k'wajtal na
Dios ani ban Ajátikláb.



An bitsow yab in yéntsál ka tajbayat k'al a k'ítsá
nibal k'al a ích', pos u tajbayáb k'al nin tajáx na Dios
ani an Ajátikláb, xi ja'ich jelti an borrego xu
pikbantsáb na Dios, ja'ich nu tajaxtaláb.



Yab jayk'i ne'ech ka
ochich taja' xowa' yab
alwa', xowa' at'ax nibal
xu k'ambixtsik. Tokot
ne'ech ka ochichtsik
taja' xi k'wajat
dhutsadh nin bij bin
dhutsadh úwil an
Ajátikláb. Jeché' an
dhutsadh úw, ja'ich
xon ti dhutsadh xi
ne'ech kin kó'oytsik an
xe'chintaláb xi yab in
ko'ol in ok'ontal.




Ne'ech ka k'wi'tsintsik tin ja'mál
nin wal k'al na Dios ani yabich
ne'ech ka wa'chin i chemlá, nibal i
uk'il, nibal i t'e'pintaláb, nibal i
yajal; pos ejtal xowa' xi
wa'achwi'ik, wat'éch.



Yabich ne'ech ka wa'chin xata' xi bijidh ke ne'ech ka
k'ale ban k'ibeltaláb. Nin t'okat k'wajtal na Dios ani
an Ajátikláb, taja' ne'ech ka k'wajay ba jachan' an
bitsow ani ne'ech ka k'ak'ná k'al nin t'ójontsixiltsik.
Ne'ech ka chu'tat k'al
nin t'ójontsixiltsik
ani ne'ech kin
kó'ontsitsik an tin
bij ba nin pík'ib.



U chu'u an chemélomtsik, ts'itsik ani pakdha', kubutsik tin tamét na Dios. Welan tám an dhutsadh úwtsik ani welan jeye jún xi ja'ich xon ti k'wajat dhutsadh nin bij xi ne'ech kin bach'utsik an xe'chintaláb xi yab in ko'ol in ok'ontal. An chemélomtsik, lújundhá k'al tin kwenta xowa' in t'ajámaltsik, xantik'i ti k'wajat dhutsadh ba jachan' an dhutsadh úwtsik. Taja' jeye ti pet'ná xi yabtsik eltsin dhutsadh tin bij xon ti k'wajat dhutsadh nin bijtsik xi ne'ech kin bach'utsik an xe'chintaláb xi yab in ko'ol in ok'ontal.



An T'okat Ejattaláb ani an belomtsik, in ulaltsik
enché': —Jala'. Xita' kin ach'a', kin ulu jeye: —Jala'.
Xita' u tsikél, ka tsích ani kin uch'a' an ja' xin pidhnál
an xe'chintaláb xi yab in ko'ol in ok'ontal ani yab
ne'ech kin jalbiy ni jun xata'.



'Na Dios in
k'anidha' t'ajat
xi k'wajattsik ban k'ay'lá. Jaxtám
tin aba' nin junkax Chakámil ka tsích
teché' ti k'ay'lá, abal ejtal xita' k'ál
ti ka belan, yab ka k'aletsik ban
k'ibeltaláb, tokot kin kó'oytsik
an xe'chintaláb xi yab in
ko'ol in ok'ontal.



ROMANOS 3:23 Kom ejtal walbidh, yabtsik k'wajat k'al
nin labidh t'okát na Dios.

ROMANOS 6:23 Xita' in t'ajál i walastaláb, tayíl
ne' ech ban k'ibeltaláb; por nin ch'ejwalixtal na Dios,
ja' ich an xe' chintaláb xi yab in ko' ol in ok'ontal k'al tin
kwentak'i ni Ajátik Jesukristo.

HEBREOS 9:27 Anchan', jelt xan ti ejtal ko' ol ka
chemechtsik júníl ani tayíl, tál an lújundhaxtaláb,

EFESIOS 2:8,9 Pos k'al tin alwa' talk'i na Dios i
lo' odhichtsik, k'al tin kwentak'i abal i belmáchtsik.
Jeché' an lo' eltaláb yab a bach'úmaltsik abal a t'ajámal
jun xata', pos a Dios ti ch'ejwaliyamaltsik.
Yab xita' ne' ech kin ejto kin áta' an lo' eltaláb k'al
xowa' k'i in t'ajál abal yab kin t'ek'a' tinbá'.



ROMANOS 10:9,10 Max ka ulu k'al na wi' ke na Jesús
ja' ich an Ajátikláb ani ka bela' ta itsích ke na Dios in
ejdhámal ti ít tam ti chemdhá, ne' ech ki lo' ey.

Pos k'al ni itsích ti yejat ku belmách abal ku k'wajbájich
alwa' k'al na Dios ani k'al ni wi' ti yejat ki ulu ke na
Jesús ja' ich an Ajátikláb abal ku lo' éch.

JUAN 3:16,17 'Na Dios in k'anidha' t'ajat xi k'wajattsik
ban k'ay' lá. Jaxtám tin aba' nin junkax Chakámil ka
tsích teché' ti k'ay' lá, abal ejtal xita' k'ál ti ka belan,
yab ka k'aletsik ban k'ibeltaláb, tokot kin kó' oytsik an
xe' chintaláb xi yab in ko' ol in ok'ontal.

Na Dios yab in abámal nin Chakámil abal ti walbix, in
abámal abal ti ló' ol.



1 JUAN 5:11-13 Jeché' ja'ich xowa' in ulal na Dios: Ke
Jajá' tu pidha' ti xe' chintaláb xi yab in ko'ol in
ok'ontal ani jeché' an xe' chintaláb xi yab in ko'ol in
ok'ontal, k'wajat ba nin Chakámil.

Xita' in bach'úmalich nin Chakámil na Dios, in ko'olich
jeché' an xe' chintaláb xi yab in ko'ol in ok'ontal; por
xita' yabél in bach'úmal nin Chakámil na Dios, yab in
ko'ol jeché' an xe' chintaláb xi yab in ko'ol in ok'ontal.
Tu dhutsuntsaltsik jeché' xa belálichtsik nin Chakámil
na Dios abal ka cho'óbna' ke a ko'olichtsik an
xe' chintaláb xi yab in ko'ol in ok'ontal.



JUAN 14; 2 KORINTIOS 5;
APOKALIPSIS 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Huasteco, Veracruz Bible (hus) © 2005, Wycliffe Bible
Translators, Inc. All rights reserved.

<https://live.bible.is/bible/HUSLLB/MAT/1>

©2026 Bible for Children, Inc.

www.M1914.org

www.bibleforchildren.org

